

<https://news.usm.my>

Berita Mutakhir

27 SEP

KORBAN KASIH POKB BANTU PESAKIT HUSM

IMG 8431hg

KUBANG KERIAN, 27 September 2015 - Bersempena sambutan Aidiladha tahun ini, Persatuan Orang Kota Bharu (POKB) telah menyumbang seekor lembu untuk diagihkan kepada keluarga pesakit di wad kanser Hospital Universiti Sains Malaysia (HUSM).

Proses penyembelihan dan memasak daging korban tersebut telah dilaksanakan pagi tadi dengan kerjasama Ikatan Relawan Malaysia (RELA) dan Pusat Islam Kampus Kesihatan USM.

pokb

pokb2

Menurut Pengarah Kampus Kesihatan USM, Profesor Dato' Dr. Mafauzy Mohamed, program ibadah korban ini bertujuan untuk mengagihkan daging korban kepada 60 orang pesakit kanser di Hospital USM.

"Saya bagi pihak USM mengucapkan terima kasih kepada POKB dan RELA atas sumbangan ini terutama kepada pesakit yang kurang mampu," kata Mafauzy.

pokb1

Tambahnya lagi, POKB telah banyak memberi sumbangan kepada USM khususnya Hospital USM yang diharapkan dapat meringankan beban kepada keluarga pesakit.

Sementara itu, Pengerusi POKB, Datuk Hj. Sheikh Ahmad Dusuki Sheikh Mohamad berkata, pihaknya akan terus memberi sumbangan kepada pesakit-pesakit kanser pada masa akan datang melalui tabung kasih buah pinggang kronik POKB HUSM bersama dengan Koperasi Warga USM.

Teks/Foto: Mohd Hafiz Yaacob & Abdul Aziz Latif



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015